

Høgafjell Sør Grunneigarlag
v/Jarle Blomdal
Blomdalsvegen 482
5285 Bruvik

Stanghelle 3 des 2018

Hordaland Fylkeskommune

Søknad om tilskot til verna kulturminne i Hordaland

Høgafjell Sør Grunneigarlag søker om tilskot - kr 160 000 - til vøling av vegen Grøttå – Sætre .

Skildring

Vegen ligg på Osterøy i den delen som høyrer til Vaksdal kommune, og er ein del av strekkja Grøttå – Heggebotn, med ein sideveg til Hesjedal. Første delen opp frå fjorden er bygd i stupbratt terreng, og fleire stader hogd rett ut av berget. Stabbesteinar er einaste vernet mot avgrunnen under. Vegarbeidet vart starta i 1909 og tok ca 55 år å fullføra. Mykje av arbeidet vart utført av grunneigarar som pliktarbeid. Tidegare var ein bratt gangsti einaste tilkomst frå fjordsida. Vegen står som ein bauta over ei tid med stort pågangsmot og tru på ei framtid også for avsides bygdelag.

Vernestatus

Etter dei opplysningane ein har vil strekninga Grøttå-Sætre bli tatt inn som eit av Vaksdal kommunes offisielle verneverdige kulturminne. Kanskje kan dette meføre større fokus på vern av eit slikt vegteknisk kulturminne på same vis som andre stader, eks Kossdalsvegen lengre inne på Osterøy.

Vedlikehald

For å halda vegen i farbar stand, og kunna ta vare på den som eit kulturminne, har bygdefolk, hyttefolk og andre utført i alt om lag 5000 timars dugnadsarbeide sidan ein starta å registrere dette tidleg på 1990-talet. Ut over rå muskelkraft har ein nytta dei private maskiner ein rår over. Vaksdal kommune og BKK har ytt noko tilskot til innkjøp og transport av grus. Vedlikehaldet av vegen kan derfor godt kallas eit «spleiselag» av godt merke.

Raset

i 2013 gjekk det eit steinsprang over vegen ein stad kalla Høgaløypet mellom Grøttå og Sætre. Raset slo ut ein mur og tok med seg om lag 10 meter av vegen. Sidan har vegen ikkje vore farbar på denne strekkja – heller ikkje til fots. Å reinska/sikra fjellet der raset gjekk, samt byggja opp at vegen, er utanfor det grunneigarlaget aleine kan ta fatt på. Manglande tilkomst har og ført til at resten av denne strekkja no har lege utan noko vedlikehald i 5 år. Grøfter og stikkrenner vert tetta til, vatn kjem på avvegar, skogen tar tak, og innan relativ kort tid vil vegen vera utanfor redning om ikkje noko vert gjort.

Ut over denne skildringa er Hordaland fylkeskommune kjend med vegen etter tidlegare skriftveksel med Vaksdal kommune.

Plan og økonomi

I 2016 freista Vaksdal kommune å få til eit økonomisk spleiselag med Osterøy kommune, BKK, lag og organisasjonar. Diverre makta ein ikkje skaffa fram det som den gong var budsjettert for å setta vegen i stand. I planen inngjekk også bidrag frå grunneigarlaget i form av arbeidsinnsats – etter at rasstaden var sikra og fundament for ny mur fagmessig utført av entreprenør.

Høgafjell Sør grunneigarlag med støtte frå hytteeigarar og andre fritidsbrukarar av vegen freistar no på nytt å få gjort noko med dette kulturminnet før det er for seint.

Laget samarbeider sjølvstendig også med Vaksdal kommune i denne saka.

Følgjande budsjett vert lagt fram. Tala er gjort med godt anslag frå 2014. og noko prisoppgang.

Ein føresetnad er at tilsegn om løyvingane i 2016 står ved lag.

Budsjett for vegvøla Grøttå - Sætre

Kostnader		Løyvingar	
Rensking og sikring av fjell ovanfor vegen	kr 230 000,00	Vaksdal kommune	kr 172 000,00
Arbeid med murfot, klargjering	kr 180 000,00	Osterøy kommune	kr 50 000,00
Innkjøp av Jondalstein/transport til Blomdal	kr 45 000,00	Bergen/Hordaland turlag	kr 30 000,00
Transport frå Blomdal	kr 30 000,00	Arbeidsinnsats HSG	kr 128 000,00
Bruk av egne maskiner og utstyr, drivstoff etc	kr 25 000,00		
Kjøp/transport av annan masse	kr 30 000,00		
	kr 540 000,00		kr 380 000,00
Manglande midlar	kr 160 000,00		

Framdrift

Arbeidet vil måtta utførast sommaren 2019 og 2020

Avslutning

Høgafjell Sør Grunneigarlag har håp om ei positiv handsaming av denne søknaden. Då kan gode krefter styrka med offentlege midlar medverka til at dette særmerkte kulturminnet ikkje skal gå tapt for framtida.

Høgafjell Sør Grunneigarlag er ikkje registrert i Foretaksregisteret.

Laget har små likvide midlar, men fører driftsregnskap som årleg vert framlagt for revisjon og godkjent av årsmøtet. Lagets konto er: 0530 16 51041



Jørle Blomdal

Leiar

Høgafjell Sør grunneigarlag